

کتاب طبرستان

اون بش کونده بر نشر اولنور دینی ، علمی مجموعه اسلامیہ در

صاحب و مدیر مسئول

ابو العلاء زین العابدین

تاریخ تأسیسی

۱۳۳۰

عدد : ۵ ۱۲ رجب سنه ۱۳۳۰ پنجشنبه ۱۴ حزیران ۱۳۲۸ برنجی جلد

(برنجی باب سیر نبی ، ایکنجی باب خلفاء راشدین ، اوچنجی باب بنی امیه دردنجی باب عباسیه) اصلیه مختصری اولان بو اثر (نور عثمانیه) کتبخانه‌سنده موجوددر .
 ۳ سبع السيار ، قیافت ، فراست ، غالب و مغلوب ، کف ، کتف ، مقادیر اصابع دن باحثدر . نقیب‌الاشراف سیدمحمد رضا افندینک بو اسمده کی اثری ملوک تاتار احوالندن باحث اثر دیکردر .

۴ تاریخ بلاد مغرب : حکومت مغاربه دن باحثدر .

۵ نهایه المرام و بحر جواهر الکلام علم تاریخدن عربی برائردر : [مؤلفین غریب دن (علی بن غالب) کده (نهایه المرام فی ذکر الخلفاء والایام) اسمنده بر منظومه می واردر .]

۶ جواهر الغرائب :

۷ فرصنامه :

۸ الحضرة الخضرة والحديقة النظرة

طبیعت شعریه ده مالک اولوب السنه ثلاثه ده انشاد فطمه مقتدر ایدی . اشعار تورکیه سی رنگین اولدینی کبی اشعار عربیه سی ده بر شاعر بلیغ عربی درجه‌سنده استادانه در . اشعار تورکیه‌سندن :

دود آهنی خدا یرده قوماز مظلومک

مصر اعیله :

ییلعه دی قدرینی حیف اودر نایابک

دست امواج ایله دریا قودو کونسون یوروسون

یاتی نزد شعرا ده زبانه دردر .

بروسه لی

محمد طاهر به رفعت

مکتبلرده تدریسات دینه

بر قومک موجودیت ملیه سی اذ زیاده انقلاب دوره لرنده تهلیکیه معروض قالیر . بنیاد اجتماعی و اخلاقینک اذ بحرانلی ، اذ جفهدار زمانی ینه بو دوره لردر . وطنک امید سعادتیه ترمین قلبلارک ، ملته شهراه سلامتی آجغه چالیشان منور وزنده دماغلرک اذ زیاده بو زمانلرده فعالیت کوسترملری ایجاب ایدر .

ايش چيغريندن چيقدقدن صكره صرف ايديله جت مساعیدن هيسج بر ثمره اقتطاف ايديله من .

(علاج واقعه پيش از وقوع بايد کرد) حکمتني هيسج بر زمان اونو تامليدر . هر برده ، هر مملکتنده ارباب استبداد - ناپوليونك تعبير نجه - کتله يي ايستدکلي شکه صوقه بيلمک ايچون ، عوامک اک حساس طمارلرني آراشدير ، اونلري اوقشار ، جاهل خلقده قباحلرک تخمه سنه چاليشير و ظاهراً کنديلريني حامي اعظم دين کي کوسترلر . بر طاقم جهله يي آباء دين صفتيله يوکسک مقاملره اصعاد ايدرک ، ابليس پسند خدعه لرله کندي کيفي آرزولريني عادتاً بر حکم ديني شکنده او بد بختلرک آغزندن خلقه تبليغ و قبول ايتديرلر . بر حالده که ، قوه مفکره دن محروم اولان کتله ، مستبدک اراده لرني بر فرمان ساوي کي تلقی ايتمکه باشلار و بلا محاکمه هر حکمي ، هر فعلی مشروع کورير ، بونلره کور کورينه اطاعتی صلابت دينيه ايجاب اتندن عد ايدر .

فقط ملت آراسنده تحصيل و تلقينات منوره ايله فکترلري انجالياب اولان ، قباحلري رقت پيدا ايدن ذواتک عددی ياواش ياواش آرتمه باشلانجه ، مظالم استبدادی ستر ايدن کابوس ده اوتهمندن بر يسندن پارچالانير ، ايجريده اوينانان فاجعه لرک آجيقلي صفحه لري کورولمکه باشلار . آرتق انتريقه لرک ، حيله لرک ، نفاق و شيطنتک ماهيتلري ميدانه چيقار ، نتيجه ده کاشانه استبداد بيقييلور ، تارومار اولور . نه چاره که عيني زمانده ، استبدادک غير مشروع و خدعه کارانه استناد ايتمش اولديني مقدسانده آرز چوق صار صيلمه دن قورتيله ماز . فرانسه انقلابي متعاقب ، هيئت رهبانه قارشى کوستريلن هجوم ، بونلرک ارباب استبدادک اک قوي استنادکاي اولملرندن نشأت ايتميشدر . شرق ده بر چوق مستبدلر دين ناعنه حرکتله کتله يي ايستدکلي کي اداره ايتمک ايسته مشلر و موفق ده اولمشلر در . تاريخ ، ارشاد پوستندن سلطنت تختنه چيقان پک چوق خدعه کارلر ، در بدرلر کوسترميورمي ؟

ديني مقاصد سياسي به آلت ايتمک نه قدر ملعونانه بر حرکت ايسه ، دينسز بر ملتک اخلاقاً تعالی و محافظه موجوديت ايدم بيله جکنه قانع اولمقده اودرجه اشع بر فکر مجنونانه در . آلمانيا کي محتم و قوي بر حکومتک ، افکار انامي تمايلات دينيه ايله پرورده ايتمکه چالشمسي ، مکاتب ابتدائيه ده تدريسات دينيه به فوق المعاده اهميت ويرمسي بزجه شايان عبرت نمونه لر دن دگيدر ؟

شرقلیلرک احوال روحیسی دریندن تدقیق ایدیلسره حیات ملیمیزک بقاسی آنجق
افرادده بو حسک لزومی درجهسنده تمیهسیله میسر اوله جفته قناعت پیدا ایدیله .
موجودیتی تهلیکویه معروض قالان بر ملتک اک صوک مراجعت ایدهجکی خلاصکار
قوت ، حسیات دینه در .

حس ملیتده مقدس وعلوی بر طویفودر . بونی اعتراف ایده رز . فقط ، بو حسک
یالکیز حیات مادیه ایله علاقهدار اولدیغنی اونوتما میدر . بر شرقلی حس ملیت سوقیله
حیاتی تهلیکویه معروض قیله جق قدر فداکارقلرده بولنماز . چونکه بو حس کنیدیسنده
هنوز لزومی درجهسنده انکشاف و نمو ایده مامشدر . مسلمانلری ولما خارقلر ایقاعنه
سوق ایدن قوت ، حس دیانت ، امید شهادتدر . بوکون آفریقا جولارنده کوسترین
شہامت خدایسندانه بو حسک سوقیله یاییلمیورمی ؟ ! . . .

شو حالده افرادده حسیات نجیبه دینهک تمیهسنه چالشمق ، ملتک مقدرات آتیهسی
سالم و امین بر طریق تکامله سوق ایتمک و طنبور هر شخصک اک مقدس وظائف عالیسندن
اولمیدر .

فقط ؛ بو حسیات نصل ونه صورتله تمیه ایدیله جک ؟ اونه دبری تعقیب و تطبیق
ایدیلان اصولی محافظهده اصرار وتعد کوستریلورسه امین اولمیدرکه یتیشه جک کنج
دماغلرده دینه قارشی درین بر حسسزک و بلکه بر احتراز حاصل ایتمکدن باشقه برشی
یاییلمز . فنون مثبته ایله فکری تنور ایتمش اولان کنجلره علوم دینه عنوانی آلتنده
- دین مبین احمدی ایله هیچ بر مناسبتی اولمان - خرافلر ، حکایلر ، سوبانیلور
ودماغلری اویشدیرلق ایسته نیلورسه بوکا قارشی بحق اعلا ایدیله جک صدای عصیان نه
استغراب ایتملی ونهده قیزمیدر .

حکمت طبیعی ، طبقات هیئت و علوم ریاضیه کورمش برشا کرد : یرک آلتنده اوکوز
بالق ودها بیلم نهکی اعجوبلر بولندیغنه اینامقده معذوردر . بوندن طولانی اوشا کردی
تعیب ایتمکده هیچ کیسهک حتی یوقدر واوله مز .

مکاتبده علوم جدیده تحصیل ایدن کنجلرده حسیات دینهک متزلزل اولدیغنی ادعا
وبوندن دولایی کنجلره طعن ایدنار یا کاش بر حکمده ، حقسن بر سوء ظن ده بولنیورلر .
کنجلرده رفقادن بر ذات بلناسبه حیات تحصیلنه عائد خاطراتی نقل ایدرکن ، ذهنده

عقدہ اولان بر مسئلہ دینہ حقندہ عقائد معلمنہ ایراد ایتش اولدینی سؤالہ بر اذنزلک جزاسی و دینزلک اتماماتیلہ جواب المش اولدینی یانہ یاقیلہ آکلاتیوردی . حالبوکه ینہ او معلم افندی درسده درةالناحیحین دن بول بول عوج بن عنق حکایہلری آکلاتیرمش . بوکبی آدملرک صایقلا دقلری خرافہلرہ قولاق و برمدکلرندن ناشی کنجاری تنقید و تعیب ایدرسهک پک بیوک بر حقسزلق یامش اولورز .

مکتبلرده علوم دینیه تدریسی درعهده ایدہک ذواتک حقایق عالیہ اسلامیہ بی بحق تعمیق ایتش بولنمی نه قدر لازم ایسه فنون جدیدیه واقف اولمسی ده اودرجه مقتضیدر . عکسی تقدیرده مکتبلرده علوم دینیه درسارینک بسبتون لغوی تدریسندن دهآ آز مضررتلی بر تدبیر اولور .

احکام اسلامیہ حقندہ درین تبعاتده بولنامش اولان برکنجه دین نامنه حکایہلر عقلک قبول ایدمیه چکی خرافہلر سویله نیلور و عینی زمانده قطعیتہ بالتجربه قائم بولندینی حقایق فنیہک دینہ مغایر شیلر اولدینی تلقین ایدیک ایستیلورسه ، بوکنجک نه او سوزلره ونه بوتلقیناته قولاق و یرمامسی ، بالعکس مہکمانه دوداق بوکسی پک طبیعی برحرکت اولور . متفنن کنجاردہ دینہ قارشی کوریلن لاقیدینک باشلیجه سبی ، تدریسات دینیه مأمور اولانلرک احکام اسلامیہ دهکی نقصانی تبعلری و فنون جدیدہ دن تمامیلہ بی بهره بولنلریدر .

وطنک ترقیدی متفنن کنجار سایه سنده تأمین ایدیلہ چکی کبی حیات اجتماعیمزک تعالیسی ، اخلاق فاضله مزک تکاملی ده بوکنجکلرک حسیات دینیه ایلہ متحلی اولمالرینه متوقفدر . موجودیت ملیہ مزی محافظه ایتک ، وطنه خلق ، فداکار ، ناموس محکم و متفنن کنجکلر یتیشدیرمک ایچون علوم دینیه وبالخاصه عقائد درسارینی متین و فنی اساسلره استنادایتدیرمک ، بووظیفهک ایفاسی درایتی و فاضل دماغلره تودیع ایتک اقتضا ایدر . یوقسه شمدیه قدر تعقیب ایدیلن اصولده اصرار اولندینی تقدیرده علوم دینیه تدریساتیلہ دینزلکه دهآ زیادہ بر میلان تولیدندن باشقه برشی بابیلماش اولور . باشند باشه جهان اسلامی صارصده اولان صرصر فلاکت بنیاد موجودیتی ییقه جق قدر شدت پیدا ایتش اولدینی کوروب طور دیغمز ، دیار تارومار اسلامیده هرکون یی بر لوحه فجیعه نما ظهوره کلدیکنی ایشتدی کمز و بو حالک یکانه سبی مسلمانلرک دوشدکلری غیای جهل و عطالتدن قوریتله ماملری اولدینی یقیناً بیلدی کمز حالده قنون جدیدہ تحصیلک - حاشا - دینہ مغایر اولدینی ادعا ایدنلره تصادف ایدرسهک اوزرلرینه

باران نفرين ياغدير مقده حقل اولمز يز ؟ بو طوفان انكيز ادعاي علوم دينيه تدريسنه مأمور
بر كيمسه دن ايشيدير سهك كنديسي جاني و ادعاسني جنايتله توصيف ايتكمده مبالغه مي ايتمش
اولورز ؟ . . .

اعتقادجه اسلاميته بويه بر ادعان بيسوك اهانت اوله مز . دماغلري بودرجه عقيم ،
فكرلري بو نسبتده محدود در بدرلر كرسئ تدريسه اصعاد ايديله چكلرينه ماوراي نسيانه
آتيلمايدرلر .

هر آني بر عمر قدر قيمتدار اولان ساعات تحصيلك اسراييلي روايتله اتلافنه مي آجيملي ،
يوقسه بوكي ترهاتك متفنن ومنور دماغلرده فطري اولان حسيات دينيه يي بيله صارسديفنه مي
نأسف خوان اولمي ؟ . . .

علوم دينيه تدريساتي مقتدر الله توديع ايدلمدكه بو درسلك پروغراملره ادخالنده
فائده دن زياده مضرت تولدايده بيلور مزايای لازمه يي حائر معلمينك محدوديتنه ، برده كتاب
فقداني علاوه ايديلير سه علوم دينيه تدريساتندن مطلوب فوائلك نيچون محكوم عقامت قالمقده
اولديني كنديلكندن نظهر ايدر . مكاتبده تدريس ضروري والزم اولان مباحث عليه
واعتقادييه يي جامع ، تفصيلات زائمه دن آزاده ، مختصر و فقط آكلاسيك بيله چك طرزده
يازلمش قلاسيق كتابلره احتياج قطعي اولديني كي بو درسلك تدريسني درعهده ايده چك
ذواتك ده دين احدينك حقايقنه بحق واقف ، احوال جهانندن خبردار ، فن و فلسفه ده
صاحب وقوف كيمسه لر آره سندن انتخاب ايدملري ايجاب ايدر .

او صاف معروضه يي حائر ذوات ميانندن انتخاب ايديله چك معلم ، درعهده ايتديكي
وظيفه نك قدسي و اهميتي بحق تقدير ايده رك حسن ايفاسنه اعتنا و شاكر دانك شبيه
و تر ددرلري عقلي و فني دليللره ازاله ه چالشه رق كنچ دماغلرده علويت دينيه يي اعلايه صرف
مساعي ايده چكي طبيعي اولديفندن بو سايده متفنن كنجارده دينه قارشى قوي و علمي بر
رابطه محبت ، نزلزل نا پذير بر ايمان صميمي حاصل اولور و شكاييت ايديلن لاقيدى نك
او كي ده آنجق بو صورته آلنه بيلور .

مدالی

م . شمس الدين

